

27-04-2018
 [Signature]

GJYKATA THEMELORE NË FERIZAJ-DEPARTAMENTI I PËRGJITHSHËM-DIVIZIONI PENAL, me gjyqtarin Elmaz Zenuni dhe zyrtarin ligjor Gazmend Bytyqi, në çështjen penale kundër të akuzuarit [REDACTED] nga fshati [REDACTED] Komuna e Vitisë, i akuzuar me aktakuzën e Prokurorisë Themelore në Ferizaj PP/II.nr.1406-2/2016 të dt. 25.10.2017, sipas së cilës e ka kryer veprën penale rrezikimi i trafikut publik nga neni 378 par pik 6 lidhur me par.1 të KPRK-së duke vendosur rreth kërkesës për dhënien e urdhërit ndëshkimor, pa e mbajtur shqyrtimin gjyqësor, më dt. 01.03.2018 merr:

AKTGJYKIM

APROVOHET kërkesa e Prokurorisë Themelore në Ferizaj PP/II.nr. 1406-2/2016 të dt. 25.10.2017, dhe gjykata jep këtë:

URDHËR NDËSHKIMOR

I akuzuari: [REDACTED] nga fshati [REDACTED] Komuna e Vitisë, i lindur me datë, [REDACTED] në të njëjtin vend, nga i ati [REDACTED], shtetas i Republikës së Kosovës, mbrohet në liri, posedon numrin personal [REDACTED]

ËSHTË FAJTOR

Sepse me datë 21.08.2016 rreth orës 20:00, në rrugën publike magjistralaja Ferizaj-Gjilan në afërsi të Restorantit "DANI" në Ferizaj, duke drejtuar automjetin e udhëtarëve të tipit "Audi A6" me targa të regjistrimit [REDACTED], në kundërshtim me nenin 62 par.1 të LSKRR-së, nga pakujdesia duke mos i dhënë përparësi kalimi automjeteve me përparësi kalimi tenton të kyqet në rrugën kryesore dhe gjatë këtij veprimi me pjesën e përparme të djathtë të automjetit të tij e godet automjetin e tipit "Mercedes 320" me targa të regjistrimit [REDACTED], të cilin e drejtonte [REDACTED] nga nga Ferizaji, Rruga [REDACTED] nr. [REDACTED] ku në anën e djathtë që ishte duke qarkulluar nga drejtim i Gjilanit për në Ferizaj,

ku pças kësaj goditje automjeti i tipit "Mercedes" me pjesën e anës së majtë e përplas automjetin e tipit "Opel Astra" me targa të regjistrimit [REDAKTUAR], të cilin e drejtonte [REDAKTUAR] nga [REDAKTUAR] Komuna e Ferizajt, ku pos dëmeve materiale në automjete lëndime trupore të lehta pësojnë [REDAKTUAR] dhe [REDAKTUAR] lëndime këto të përshkruara në Ekspertizën mjeko ligjore të dt.01.10.2017,-

- me të cilën kreu veprën penale rrezikimi i trafikut publik nga neni 378 par pik 6 lidhur me par.1 të KPRK-së,

Andaj, gjykata në bazë të neneve: 4, 7, 17, 41, 43, 46 dhe 73 të KPRK-së dhe neneve 365 e 495 të KPPRK-së i shqipton:

DËNIM ME GJOBË

Të akuzuarit [REDAKTUAR], i shqiptoi dënimin në shumën prej 200 € (dyqind Euro), të cilën shumë i akuzuari obligohet ta paguaj në afat prej 15 ditësh, nga dita e plotfuqishmërisë së këtij aktgjykimi.

Nëse dënimi me gjobë nuk mund të ekzekutohet në format tjera sipas nenit 46 par.3 të KPRK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Gjykata të dëmtuarit : [REDAKTUAR] dhe [REDAKTUAR] që të tre nga Ferizaji, Rruga [REDAKTUAR] nr [REDAKTUAR] dhe [REDAKTUAR] nga [REDAKTUAR] Komuna e Ferizajt , për realizimin e kërkesës pasuroro-juridike i udhëzon në kontest civil.

Obligohet i akuzuari që në emër të shpenzimeve procedurale 90.88 € dhe paushallit gjyqësor të paguaj shumën prej 20 €, në afat prej 15 ditëve, nën kërcënimin e përmbarimit të dhunshëm.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.

A r s y e t i m

Prokuroria Themelore në Ferizaj me aktakuzën PP/II.nr.1406-2/2016 të dt. 25.10.2017 , ka akuzuar [REDAKTUAR] nga fshati [REDAKTUAR] Komuna e Vitisë , për veprën penale rrezikimi i trafikut publik nga neni 378 par pik 6 lidhur me par.1 të KPRK-së dhe të njëjtën ditë ka parashtruar kërkesën për dhënien e urdhrin ndëshkimor kundër të akuzuarit me arsyen se ka prova të besueshme që vërtetojnë kryerjen e kësaj vepre penale nga i njëjti.

Gjykata gjatë shqyrtimit paraprak të aktakuzës dhe kërkesës për dhënien e urdhrin ndëshkimor, në vështrim të nenit 495 parag.1, 2 dhe 3 të KPPRK-së, gjeti se janë plotësuar kushtet ligjore për aprovimin e kërkesës për dhënien e urdhrin ndëshkimor.

Nga provat materiale të bashkëngjitura në shkresat e lëndës gjegjësisht konstatimin e Ekspertit mjeko ligjor i dt.01.10.2017, mendimi i Ekspertit të komunikacionit i datës 20.09.2017, raporti mjekësor nga Qendra Emergjente – Spitali në Ferizaj dt.21.08.2016, si dhe fotografitë të cilat gjenden në shkresat e lëndës, gjykata ka konstatuar se këto prova janë të bazuara dhe bindëse, sepse vërtetojnë që i akuzuari e ka kryer veprën penale për të cilën akuzohet, andaj gjykata e shpalli fajtor dhe i shqiptoi dënimin me gjobë si në dispozitiv të këtij aktgjykimi.

Gjykata, konform nenit 463 par.1 lidhur me par 3 të KPPRK-së të dëmtuarit: [REDAKTUAR], [REDAKTUAR] dhe [REDAKTUAR] që të tre nga Ferizaji, Rruga [REDAKTUAR] nr. [REDAKTUAR] dhe [REDAKTUAR] nga [REDAKTUAR] Komuna e Ferizajt , për realizimin e kërkesës pasuroro-juridike janë udhëzuar në kontest civil.

Konform nenit 450 par.2.6 të KPPK-së obligohet i akuzuari që në emër të shpenzimeve gjyqësore të paguaj shumën prej 90.88 Euro, si dhe paushallin gjyqësor në shumën prej 20 €, të gjitha këto në afat prej 15 ditëve nga dita e plotfuqishmërisë së këtij aktgjykimi.

Njashtu, Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.


Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ

P.nr.2665/2017, dt. 01.03.2018

**Zyrtari Ligjor
Gazmend Bytyqi**

**Gjyqtari,
Elmaz Zenuni**



UDHËZIM JURIDIK:

Kudër këtij aktgjykimi lejohet kundërshtimi në afat prej 8 ditësh, nga dita e pranimit të dërgesës së njëjtit, gjyqtarit të vetëm gjykues të kësaj gjykate, përmes kësaj gjykate.

Pas skadimit të afatit të lejuar për kundërshtim, urdhëri ndëshkimor bëhet i plotfuqishëm dhe ekzekutohet dënimi i shqiptuar.